

զմեզ և ոչ մեք էաք, մեք միմիայն նմայ հնա-
զանդ և խաշն արօտի նորայ, և այս հնազանդու-
թիւն զօրութեան հոգոյ մերոյ առ Տեառն ոչ ըստ
կամաց մերոց և ոչ 'ի նոր ցանկութեան սրտից
մերոց և ոչ 'ի փոփոխական բնութենէ մերմէ, և
ոչ 'ի տարբերութենէ ժամանակէ, եթէ ոչ նոյն
որում սկզբանէ արարածոց Արարիչն մեր փշեաց
'ի մէջ բնութեան մերոյ, թէպէտ մեք ոչ իմա-
ցաք և ոչ պահեցաք պատուէրն Արարչին մերոյ
անկարգացաք, անօրինեցաք և անցանելով կա-
նօնաւն Տեառն արարչին մերոյ անկաք և նմա-
նեցաք անբանից, այլ որպէս հաւատացեալ եմք
խոստմանն ծայրագոյն բարւոյն Տեառն մերոյ
Յիսուսի որ ասաց՝ եկեալն առ իս ոչ հանից զնայ
արտաքս, թէպէտ 'ի վաղնջոց անկեալ կամք 'ի
փառաց զօրութեան հոգոյ մերոյ բանականի, այլ
դեռ ևս 'ի մահ ոչ եմք մատնեալ, վկայութիւն
նորայ հաստատուն է 'ի սիրտս մեր, որ 'ի ան-
կարգութեան մեղաց մերոց խրատեցաք մեք 'ի
Տեառնէ, այլ բնականապէս գիտեմք որ ոչ ոք
խրատող ունի կամք բարձի թողի առնելոյ զխրա-
տեալս իւր ըստ բանին Տեառն որ ասէ՝ ով ոք
որ տէր խրատէ սիրէ զնայ, և զհաստատելոյ
բանն իմ ասեմ զի այսքան ևս վաղնջոց ժամա-
նակաւ անկարգութեամբ վարիւք և յանդգնելով
պատուիրանին Տեառն, թէպէտ մեք ըստ գործոց
մերոց բարձաք պատիւ ազատութեան և անմա-